

গণপ্রজাতন্ত্রী বাংলাদেশ সরকার
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২।

টেলিফোনঃ ৯৮৪০৩৭৬, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ info@iedcr.gov.bd; ncov@iedcr.gov.bd ওয়েবসাইটঃ www.iedcr.gov.bd

০৩ মার্চ ২০২০ইং

সংবাদ বিজ্ঞপ্তি

মাননীয় স্বাস্থ্য মন্ত্রীর সভাপতিত্বে সভা অনুষ্ঠিত

আজ স্বাস্থ্য ও পরিবার কল্যাণ মন্ত্রণালয়ে কোভিড-১৯ প্রতিরোধ ও নিয়ন্ত্রণে সর্বশেষ পরিস্থিতি পর্যালোচনা ও করণীয় পরিকল্পনা নিয়ে আলোচনা হয়। সভায় সভাপতিত্ব করেন মাননীয় স্বাস্থ্য মন্ত্রী জনাব জাহিদ মালেক এমপি, অন্যান্যদের মধ্যে উপস্থিত ছিলেন স্বাস্থ্য সেবা সচিব জনাব আসাদুল ইসলাম, স্বাস্থ্য শিক্ষা সচিব জনাব আলী নূর, স্বাস্থ্য সেবা অধিদপ্তরের মহাপরিচালক প্রফেসর ডা. আবুল কালাম আজাদ, স্বাস্থ্য শিক্ষা অধিদপ্তরের মহাপরিচালক প্রফেসর ডা. এ. এইচ. এম. এনায়েত হোসেন, ঔষধ নিয়ন্ত্রণ অধিদপ্তরের মহাপরিচালক মেজর জেনারেল ডা. মো. মাহবুবুর রহমান প্রমুখ। সভাশেষে সাংবাদিকবৃন্দকে সর্বশেষ পরিস্থিতি অবহিত করা হয়।

হোটেল কর্তৃপক্ষের সাথে COVID-19 বিষয়ে ওরিয়েন্টেশন কর্মশালা

দেশের বিভিন্ন তারকা চিহ্নিত হোটেলসমূহের কর্তৃপক্ষের সাথে COVID-19 সংক্রমণ বিষয়ে সরকারের বিভিন্ন কার্যক্রম ও পদক্ষেপ সম্পর্কে অবহিত করণের লক্ষ্যে একটি ওরিয়েন্টেশন কর্মশালার আয়োজন করা হয়। উক্ত কর্মশালায় বিদেশ থেকে আগত যাত্রীদের ব্যবস্থাপনা ও করণীয় নিয়ে আলোচনা করা হয় এবং সংক্রমণ প্রতিরোধ ও প্রতিকারে করণীয় নির্দেশনা তুলে ধরা হয়।

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণ বিষয়ে বিশ্ব, বাংলাদেশ ও সিঙ্গাপুর পরিস্থিতি তুলে ধরেন আইইডিসিআর এর পরিচালক প্রফেসর ডাঃ মীরজাদী সেব্রিনা ফ্লোরা।

বেসরকারী হাসপাতাল কর্তৃপক্ষের প্রতি নির্দেশনা

স্বাস্থ্য অধিদপ্তরের পক্ষ থেকে ইতিমধ্যে বেসরকারী হাসপাতাল কর্তৃপক্ষের সাথে বৈঠক করে তাদেরকে কোভিড-১৯ আক্রান্ত সন্দেহ হয়েছে এমন ব্যক্তিদের চিকিৎসার জন্য আইসোলেশন ওয়ার্ড চালু করার নির্দেশনা প্রদান করা হয়। বেসরকারী হাসপাতালের কর্তৃপক্ষ এ বিষয়ে দ্রুত পদক্ষেপ নেয়া হবে বলে স্বাস্থ্য অধিদপ্তরের মহাপরিচালক মহোদয়কে আশ্বস্ত করেন। কিন্তু আমরা লক্ষ্য করছি যে, কোন কোন ক্ষেত্রে এমন ধরনের বেশ কয়েকজন দেশী-বিদেশী নাগরিককে হাসপাতালে ভর্তি ও চিকিৎসা করতে অস্বীকার করা হয়েছে। এ ধরনের ঘটনা একেবারেই অনাকাঙ্ক্ষিত। বিশ্ব জনস্বাস্থ্যের জন্য এহেন জরুরী পরিস্থিতিতে বেসরকারী হাসপাতাল কর্তৃপক্ষ তাদের দায়িত্ব পালন করবেন আমরা এ আশা করি। সরকার তাদের যে কোন সমস্যা মোকাবেলায় সহযোগিতা করবে।

সিঙ্গাপুর পরিস্থিতি

সর্বশেষ প্রাপ্ত তথ্য অনুযায়ী সিঙ্গাপুরে এ যাবৎ ১০৮ জন COVID-19 রোগী সনাক্ত হয়েছেন, হাসপাতালে চিকিৎসাধীন ২৪ জনের পরিস্থিতি স্থিতিশীল, আশঙ্কজনক রয়েছে ৬ জন এবং হাসপাতাল থেকে ছাড়া পেয়েছেন ৭৮ জন। সিঙ্গাপুরে মোট ২ জন বাংলাদেশের নাগরিক COVID-19 সংক্রমিত হয়ে হাসপাতালে চিকিৎসাধীন আছেন। তাদের মধ্যে ১ জন আইসিইউ-তে আছেন এবং তাঁর অবস্থার কিছুটা উন্নতি হয়েছে। ৩ জন বাংলাদেশের নাগরিক সুস্থ হয়ে হাসপাতাল থেকে ছাড়া পেয়েছেন। বাংলাদেশে সিঙ্গাপুরের দূতাবাস থেকেও আমাদেরকে সিঙ্গাপুর পরিস্থিতি সম্পর্কে নিয়মিত অবহিত করা হচ্ছে।

অন্যান্য দেশে প্রবাসী বাংলাদেশীদের স্বাস্থ্য পরিস্থিতি

সিঙ্গাপুর, আরব আমিরাতে ছাড়া অন্যান্য কোন দেশে এখনো পর্যন্ত কোনো প্রবাসী বাংলাদেশী কোভিড-১৯ আক্রান্ত হন নি। দিল্লীতে উহান থেকে আগত ২৩ জন বাংলাদেশী নাগরিক দিল্লী শহর থেকে ৪০ মাইল দূরে একটি কোয়ারেন্টিনে আছেন।

বাংলাদেশ পরিস্থিতি

আইইডিসিআর-এর ভাইরোলজি ল্যাবরেটরিতে সন্দেহজনক COVID-19 আক্রান্তদের নমুনা পরীক্ষা করে এ যাবৎ কারো নমুনাতে COVID-19 পাওয়া যায় নি। স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে। আজ কোনো কোভিড-১৯ লক্ষণযুক্ত যাত্রী পাওয়া যায় নি।

COVID-19 সংক্রান্ত সর্বশেষ পরিস্থিতিঃ (ক্ষিনিংকৃত যাত্রীর সংখ্যা) (৩ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্ষিনিংকৃত যাত্রীর সংখ্যা	১৩৫৫৫	৪২৮৩৭৬
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্ষিনিংকৃত যাত্রীর সংখ্যা*	৮২০৯	২১৮৭৯৮
ক্ষিনিংকৃত মাধ্যমে বিমান বন্দরে সনাক্তকৃত কোভিড-১৯ সংক্রমণের আশংকায়ুক্ত ব্যক্তির সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্ষিনিংকৃত যাত্রীর সংখ্যা	২১৪	৪৯০৮
ঢাকা ক্যান্টনমেন্ট ও বেনাপোল রেলওয়ে স্টেশনে ক্ষিনিংকৃত যাত্রীর সংখ্যা	২৩৭	৪৬৪১
অন্যান্য চালু স্থলবন্দরগুলোতে ক্ষিনিংকৃত যাত্রীর সংখ্যা	৫১০৯	২০৪৯৩৭

* গত ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্ষিনিং করা হচ্ছে।

** কোনো কোনো বন্দর থেকে প্রতিবেদন সময় মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

COVID-19 সংক্রান্ত সর্বশেষ পরিস্থিতিঃ (৩ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
-------	-----------------------------	-----------------------------

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোট কলের সংখ্যা	১১০	৩৭০৬
আইইডিসিআর হটলাইনে COVID-19 সংক্রান্ত মোট কলের সংখ্যা	৬৯	২৬৮৬
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	৪	১৪৩
COVID-19 পরীক্ষা করা মোট নমুনার সংখ্যা	৬	১০২
নিশ্চিতকৃত COVID-19 সংক্রমিত ব্যক্তিদের মোট সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বরে যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

শ্বাসতন্ত্রের সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিষ্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাছ/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস-ডিম ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- কারো সাথে হাত মেলানো (হ্যান্ড শেক), কোলাকুলি থেকে বিরত থাকুন
- জরুরী প্রয়োজন ব্যতীত বিদেশ ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/এ

অধ্যাপক ডাঃ মীরজাদী সেব্রিনা ফ্লোরা

পরিচালক

ফোন নম্বরঃ ০২-৯৮৪২২৭০